

DE
USUCHININI IN FEBRIBUS
INTERMITTENTIBUS
EXTERNO OBSER-
VATIONES.

DISSERTATIO INAUGURALIS
MEDICA,

QUAM
VENIA ET AUCTORITATE AMPLISSIMI
MEDICORUM ORDINIS

IN
UNIVERSITATE GAESAREA LITERARUM
DORPATENSI,

UT GRADUM
DOCTORIS MEDICINAE

RITE ASSEQUATUR,
CONSCRIPSIT ET IN PUBLICO DEFENDET
THEODORUS A BOLSCHWING,
CURONUS.

DORPATI LIVONORUM.
TYPIS J. C. SCHÜNMANNI, TYPOGRAPHI ACADEMICI.
MDCCCXXXII.



Imprimatur

haec dissertatio ea conditione, ut, simulac typis excusa
fuerit, quinque exemplaria collegio ad libros exploran-
dos constituto tradantur.

Dorpati Livon. die III. Mens. Augusti MDCCXXXII.

Dr. Theoph. Franc. Immanuel Sahmen,
h. t. Ord. Med. Decanus.

GEORGIO A BOLSCHWING,

FRATRI OPTIMO,

D 16584

COMITI

ROBERTO A KEYSERLING,

AMICO DILECTISSIMO,

ET

OPUSCULUM HOCCE,

AMORIS ET AMICITIAE DOCUMENTUM,

D. D. D.

AUCTOR.

PROOEMIUM.

Das grosse Experiment, was seit Jahrtausenden die Menschheit mit sich selbst anstellt — Medicin — genannt, ist noch nicht zu Ende, wird auch wohl, wie alles Irrdische, nie vollkommen zu Ende gebracht werden, denn es ist das Experiment, dem höchsten Geheimnisse der Natur, dem Leben, auf den Grund zu kommen, und es bei Verirrungen zurecht zu weisen.

HUFELAND.

Vere anni MDCCCXXX, quo tempore litteris Berolini vacabam, mihi et aliis pluribus, qui in valetudinario Cl. Graefii chirurgico ot oculario praxin exercebant, ab Exp. Angelsteinio, supremo nosocomii medico, potestas facta est, in hominibus febre intermitte affectis, quae contra hunc morbum methodi endermaticae, quam vocant, efficacia foret, experiundi.

Febre affectorum tunc temporis tanta erat multitudo, ut plures vel in chirurgica nosocomii parte auxilium quaererent. Ad quod genus morbi procreandum praecipuum fortasse attulit momentum annis Spree, tam repente et tantopere auctus et super ripas effusus, ut vici, qui in vicinia sunt, inundarentur, atque opificum pauperum habitacula subterranea, locis illic frequentia, aquae vi replerentur. Fluvius mox quidem recessit in alveum; sed habitacula ista liberari aqua et exsiccati brevi tempore non poterant. Diutius igitur, quam unquam humebant, atque sic febribus intermittentibus vernis procreandis aptiora erant quam aliis annis.

Quae hac occasione observaverim et litteris mandaverim hoc opusculo memoriae prodam, non tam dignitate observatorum, quam persuasione commotus, in medicina nil, nisi repetita experientia confirmatum, stabiliri posse.

Antequam de chinino cuti, epidermide nudatae, applicando, (i. e. de methodo endermatica, à Gallis méthode endermique dicta) sermonem injiciamus, notandum videtur, jam longo ante inventam hanc methodum, remediorum internorum, extrinsecus impositorum, efficaciam cognitam et aestimatam fuisse. Cl. Frankius et alii febres sanabant intermittentes cortice chianae et aliis febrifugis, ex quibus facta cataplasma regioni imponebant epigastricæ. Cl. Hufelandus anno MDCCLXXXII usum cort. chianæ (1) commendavit externum in febribus puerorum intermittentibus, sicuti opii (2) in morbis, quibus hoc medicamen aptum est. Inunctiones Expp. Cyriillii, Louvrieri et Rusti abunde sunt notæ. Chiarentius (Chiarenti) anno

-
- 1) In opere Ueber die wesentlichen Vorzüge der Inoculation, desgleichen über einige Kinderkrankheiten. Lips. 1792, p. 200.
 - 2) Idem ibidem, p. 195 et p. 307.

MDCCXCVII ad tollendos varios morbos internos inunctionem diversorum proposuit medicamentorum, ut moschi, opii, aloes, cort. peruviani, hydrargyri aliorumque, cum substantiis animalibus, succo gastrico, saliva, succo pancreatico, sero lactis, cet. conjunctorum. Eodem fere tempore Brera Cl. quoque hac de re publici juris fecit praecepta.

Priusquam historiam methodi endermaticeae, cuius origo in annum incidit MDCCCII, brevibus illustrem; paucis, quae ad illud tempus usque experientia cognita erant de chinini, praecipue in febres intermitentes, vi, exponere mibi liceat, nonnullorum tantum Germanorum auctorum mentionem fac-turo.

Cl. Hufelandus (3) chininum sulphuricum, propter digestionem facilioriem cortici chiae praefert, maximeque commendat. Febris intermittens, quae jam in annum dimidium protracta erat, quaternis granis mane vesperique praebitis, victa est. Idem remedium in valetudinario, tractandis pau-peribus Berolini constituto (Charité dicto (4), absque ulla ventriculi affectione ac cum eventu faustissimo adhibitum est. Chinini

in febrem intermittentem efficaciam inpri-mis praedicant provinciae Magdeburgensis medici (5). Quanta ejusdem remedii ad-versus febres puerorum intermitentes fue-rit utilitas, inter alia exempla probat casus, quo puer quatuor annorum cito usu hujus remedii convaluit, (6).

Sed alii quoque morbi, praesertim sys-tematis nervosi, quorum periodiens est ty-pus, chinino sulphurico sublati sunt. Cl. Hufelandus (7) ex illis commenorat ca-pitis dolores et spasmos, certis temporibus redeuntes. Spiritus (8) prosopalgiae hoc remedio feliciter imposuit finem, Nieman-nus (9) cephalalgiae, atque Cloco-vius (10) haemorrhagiae. Zieglerus (14) ejusdem remedii in morbis chronicis, qui certis tem-poribus exasperabantur, ter celarem vidit effectum.

Ceterum chininum vim in sistema ner-vosum ipsum habere idque recta mutare

5) Vid. ibidem, Tom. 17, p. 135.

6) Vid. Hufelandi Journ. d. p. H., an. 1825, fasc. mens. Decemb., p. 140.

7) Vid. Journ. d. p. H., an. 1823, fasc. mens. Aprilis, p. 124.

8) Rusti Magaz. f. d. g. H., Tom. 17, p. 186.

9) In Hufelandi J. d. g. H., an. 1824, fasc. mens. Maij, p. 107.

10) In codem opere an. 1824, mens. Junii, p. 120.

11) In Rusti Magaz. d. g. H., Tom. 17, p. 136.

3) Journal der practischen Heilkunde, anno 1823, fascic. mens. Aprilis, p. 124.

4) Rusti Magazin für die gesammte Heilkunde, Tom. 18, fascic. 2, p. 359.

videtur. Granis enim quatuor sexve sumitis vel impositis, (vid. observ. I. infra), post dimidiā horam vel serius ventriculi percipitur ardor, in cardiae incipiens regione, tum regionem epigastricam, serius totum abdomen, ac denique fere etiam pectus occupans. Exoriuntur deinde non raro borborygmi, flatus ac ructus; pulsus fortior evadit ac frequentior, atque calor primo in capite sese prodens, deinde vero per totum manans corpus, tandem auctae cedit cutis perspirationi.

Quum porro febris intermittentis, aequa ac morborum systematis nervosi, typum esse plane periodicum; organismum vero, vel causa morbi sublata, pronitatem, quae tempore solito provocet paroxysmum, retinere compertum habeamus; quumque febres intermitentes, conjuncta saepissime habere mala gastrica vel etiam affectiones organorum epigastricorum inflammatorias, atque paroxysmum remediis opprimi diversissimis, si modo sistema nervosum ac praecipue organa abdominalia fortiter commoveant et mutent, constet: febrim intermittem praeципue systematis ganglionum malo niti statuere, ideoque chinino, in illud sistema inprimis agente, optime tolli debere, jure contendere poterimus.

Quatenus haec spectent methodum endermaticam, infra videbimus, hoc loco notamus tantum, hanc chinini applicandi rationem ad febrim intermittem celeriter pellendam aptam nobis videri, quod, praec-

ter celerem absorptionem (vid. observ. I. et II.) atque effectum cito sequentem, simul nervi cutanei, per totum corpus porrrecti, etiam ab ea parte, cui imponatur remedium, per consensum vehementer afficiantur. Quoties autem febres intermitentes, nervis hoc modo vehementer affectis, sanentur, quotidie docet experientia.

Ut ad historiam methodi endermaticae nos convertamus, Ballyus Cl. (12) primus omnium anno MDCCCI cutem epidermide nudavit, atque hydrargyrum muriaticum mitte imposuit. Hoc modo in insula Hispaniola febrim flavam sanare conatus est, ac postea non absque successu alia institut experimenta cum morphio, extracto belladonnae, extracto squillae et strychnino. Hydrargyrum muriaticum corrosivum vehementius superficiem cutis sauciam exedebat. Prima ejus experimenta jam fere oblivioni tradita erant, quum Expp. Orfila et Magendie similia in animalibus instituerent atque Cl. Lembertus et Lesieurus anno MDCCXXVI in valetudinariis Parisiorum ad sanandos morbos internos, cuti nudatae remedia cum felicissimo eventu imponerent. Haec est methodus illa, quam Galli vocabant „méthode endermique vel emplastro-dermique.“

(12) Vid. Revue médicale, an. 1827, Tom. II., p. 23, et Heckeri litt. Annal. anni 1827, mens. Nov., p. 363.

Lésieurus de diversorum remediorum, hoc modo impositorum, nominatum chinini in febris intermitentibus, efficacia vulgavit observationes. Lembertus (13) itidem anno MDCCCXXVI opuseculum editit, (*Essai sur la méthode endermique* (14) quo observationes proposuit maxime memorabiles. Exp. Martinus filius (15) quoque febres pertinacissimas hac ratione brevi sanabat tempore; atque Cl. Aeneilius (16) non minus memorabilem hujus generis in lucem edidit observationem. In Germania prima experimenta in valetudinario, pro egenis Berolini instituto, (*Charité dicto*) facta sunt; et primum quidem chininum tentatum est adversus febres intermitentes. Quae hac occasione observata sunt, vulgarunt Expp. Weschius (17) et Lehmannus (18). Felicissimus etiam fuit

(13) Vid. Heckeri litt. Annal., an. 1827, mens. Sept., p. 68.

(14) Vid. ejusdem Annal., an. 1830, mens. Januarii, p. 75.

(15) Vid. Revue médicale an. 1827, mens. Septemb., et Heckeri litt. Annal. an. 1827; mens. Nov., p. 362.

(16) Vid. Revue médicale an. 1827, Tom. IV., p. 27.

(17) In *Dissert. inaug.* (*Observationes quaedam de chinino, praccipue de externa ejus applicacione.*) Berol. 1828.

(18) In *Diss. inaug.* (*Observ. quaed. de usu externo chinini, et muriatici et sulphurici.*) Ber. 1828.

eventus experimentorum, quibus Meyerus Exp. (19) morphii aceticī vim contra tussim convulsivam comprobavit. Idem remedium impositum rheumaticas quoque depulit affectiones, ut tradit Cl. Ricotti (20). Anno MDCCCXXIX in supra memorato valetudinario Berolinensi strychnini, morphii aceticī et kermes mineralis vires experimentis, quae in lucem Cl. Richterius (21) edidit, exploratae sunt. Ducenta et amplius pericula similia eodem fere tempore Philadelphiae fecit Guilghelmus Gerhardus Cl. (22), in Americae septentrionalis diario medico et chirurgico mensium Martii et Julii, anni MDCCCXXX, legenda. Tentavit hic tonica, narcotica, purgantia, diuretica, emetica, hydrargyrum et iodium. Hydrargyri autem praeparata, sicuti alia medicamenta exedentia, absorptioni plerumque non erant apta. Chinino sulphurico viginti curavit febres intermitentes, atque ex iis tres vel quatuor tantum sine successu; duodecim, semel imposito chinino, cesserunt. Gerhardus plerumque una dosi granorum quatuor curam ab-

(19) In *Rusti Mag. d. g. H.*, Tom. 28, p. 356.

(20) In *Revue médicale an. 1829*, Tom. IV., p. 461.

(21) In *Diss. inaug.* (*De methodo endermatica, Gallicis dicta, experimentis illustrata.*) Berol. 1829.

(22) Vid. *Archives générales de médecine*, Tom. XXV, an. 1831, mens. Martii, p. 419.

solvit; nonnunquam tamen ad grana duodecim progredi debuit.

Quod attinet remedii, juxta hanc methodum, applicandi rationem, cutem epidermide liberandam esse, supra jam obiter notavimus. Quod quidem faciendum est, quia epidermis, corporis alieni instar inter remedium et cutem posita, quo minus illud vasis lymphaticis absorbeatur impedit. Quemadmodum enim contagium morbi venerei cum pure ulcerum syphiliticorum, epidermidi admotum, morbum non propagat, sed, remota epidermide cuti applicitum, facilime contagionem inducit, sic quoque remedia, cuti denudatae imposita, longe majorem effectum producent, quam cuti integrae admota. Documenta, quibus vasa lymphatica subcutanea vim absorbendi habere probentur, omitti licebit. Cuique enim notum est, corpus humanum balneis pondere augeri; materias colore vel odore praeditas, e balneis receptas, urina, sudore atque aliis secretis reddi; denique vel ex aere cute absorberi varias materias, veluti acidum carbonicum, atque vapores diversissimae indolis.

Ad cutem epidermide nudandam jam Cll. Lesieurus et Lembertus vesicatoria usurpabant; quibus ad hoc usque tempus Germaniae quoque medici semper usi sunt. Quae applicatio quomodo in Gallia, pro medicamentorum diversitate, mutata sit, memoriare ab opusculi nostri consilio alienum est. Nos, auctorum quos sequimur,

exemplo ducti, ad cutem epidermide privandam, emplastro usi sumus vesicatorio ordinario. Quod plures ob causas consilio aptum videtur. Incitat enim nervos et vasa, intedit atque accelerat actionem eorum, et sic efficit, ut imposita remedia facileius suscipiantur, dum ope lymphae exsudatae soluta humoribus insinuantur et vasa absorbentia stimulare pergunt. Sane interim etiam vasa nimis incitari, atque plane claudi possunt, ut infra in observatione secunda videbimus. Formata vesicula epidermidem detrahebamus, atque medicamentum tempore apyrexiae imponebamus. In alligatura linteum plerumque adhibebamus, oleo tinctum, vel simplici illitum cerato. Vesicatoriis imponendis eligebamus scrobiculum cordis, humerum et suras. Semel tantum internae genarum superficie atque gingivis infricuimus chininum.

Duodecies hanc curam observare contigit nobis; atque ter irrita fuit, feliciter vero novies cessit. Conatum, quorum felix fuit successus, septem proponemus, neque tres eos dissimulabimus, qui prospero caruerunt eventu.

Observatio prima.

Charlotta Lesser, quaestum ex lotura faciens, habitus infirmi et temperamenti sanguinei, annos nata quadraginta duos,

viro nupta, febre intermittente, quae jam dies quatuordecim eam vexaverat, magnopere debilitata erat. Medicus quidam mala gastrica, quae adfuerant, jam removerat, atque sex grana chinini sulphurici sumenda frustra praebuerat. Aegrota quae curae impensam metuebat, atque se a me gratis accipere posse medicamina cōpererat, opem meam imploravit. Tēpore matutino diei, quo febris paroxysmus instabat, scrobiculo cordis emplastrum imposui cantharidum commune, thaleri magnitudine; finito paroxysmo epidermidem, in modum vesicae sublatam, forfice resecui, atque eti quinque grana inspersi chinini sulphurici. Vincturam ex linteo feci et emplastro adhaesivo. Aegrota non multo post molestum conques-ta est calorem, qui, exoriens in scrobiculo cordis, abdomen versus et sursum ad pectus atque columnam vertebrarum versus manavit et postea in ardorem transiit. Alteram noctis partem satis tranquilla peregit, ac die sequente, qui febre vacabat, mediocriter sese habuit; die tertio vero, quo de-nuo exspectanda erat, febris non rediit, ita ut aegrota, nullis adhibitis porro remediis, a morbo liberata esset. Pars laesa crusta tegebatur, in qua pauca tantum chinini sulphurici comparebant vestigia. Dolores, qui tempus aliquod manebant, sim-plici imposito cerato, plane evanuerunt.

Observatio secunda.

Josephina Koch, serva, habitus leucophlegmatici, annos nata viginti quinque, quae jam saepe in febrem intermittentem inciderat, denuo tertiana affecta erat, atque jam tertia cruciabatur hebdomade. Quum ipsa consentiebat nullaque febri con-juneta mala alia cognosci poterant, in tractando ejus morbo, rursus methodum endermaticam experiri decrevi. Scrobiculo cordis, quemadmodum diximus in observa-tione prima, grana quatuor imposuimus chinini muriatici. Protinus autem dolores secuti sunt vehementissimi; late circa lo-cum laesum rubor exortus est intensus, atque in crusta formata tota chinini adhibiti dosis ex punctis splendentibus, coloris ex flavo albi, cognita est. Febris die solito accessit, non anticipans tamen, ut antea. Hinc, emissso usu externo, chininum pro-pinavimus, quo sumto, aegrota brevi con-valuit.

Observatio tertia.

Carolus Stuhrius, opificis pileorum ad-minister, constitutionis robustae, tempera-menti sanguinei, atque annos natus viginti, ex diebus duodecim febri urgebatur inter-mittente tertiana. Quum essent dolores ca-

pitis graviores, lingua copioso tecta muco, os amarum, atque hypochondrium utrumque tensum et dolens, his symptomatibus antea occurrere studui. Quod quum successisset, die X. Junii grana chinini sulphurici quatuor surae dextrae imposui. Dolores secuti sunt satis graves, atque circa locum vulneratum rubor apparuit manifestus. Quod me, rei, quam expertus eram, memorem, sollicitum reddidit, ne medicamentum non absorberetur, atque febris die XII. Junii denuo accederet. Quamobrem die XI. Junii parti laesae iterum duo chinini grana imponere apud animum constitueram; sed ex lympha exsudata crusta tam dura ac soluta difficulter nata erat, ut aegrotus medium imponendo medicamini locum eligere cuperet. Quod eo lubentius feci, quo magis mihi tale experimentum arrisit, ideoque, ad tentandum remedium, dextrum elegi humerum. E vesicatorio interim adhibito, vesica tam sero nata erat, ut, quum die XII. Junii vesicam ad novam chinini applicandi dosin aperiri vellem, repetitus jam, sed multo lenior ac senior adveniret paroxysmus. Simulac evanuerat, vesicam incidi, atque tria chinini sulphurici grana loco laeso imposui. Dolores subsequentes longe mitiores neque cum rubore conjuncti erant; successus autem omni ex parte conceptae spei respondit, febris enim ex eo tempore non rediit et vulnus utrumque paucis diebus sanatum est.

Observatio quarta.

Fridericus Rau, administer caementarii, habitus medio criter firmi, temperamenti cholericu, atque annos natus duodeviginti, febri intermittente tertiana affectus fuerat, quae, quum auxilium a me peteret, jam ex die quinto in quotidianam mutata erat. Paroxysmi quotidie fere sex horas durabant. Aegrotus ad arbitrium suum varia remedia domestica, ac denique vel pulverem calami aromatici, cui aliquantum cort. chiae addiderat, incassum assumiserat. Die XV. Junii, quum, bene percontatus aegrotum, nulla alia febri adjuncta mala conspexisse, scrobiculo cordis vesicatorium imposui. Die XVI. Junii mane febris rediit. Post meridiem epidermidem removi, atque grana chinini sulphurici tria applicui, quibus dolores gravissimi excitabantur. Remedium absorbebatur quidem, sed febris nihilominus die XVII. Junii denuo accessit. Eodem die igitur, finito paroxysmo, parti laesae atque absorptioni adhuc aptae granulum unum chinini sulphurici denuo inspersi, atque statim linteo, quod oleo tintum erat, devinxi. Dolores multo erant leniores, sed die XVIII. Junii nihilominus febris reversa est. Die XIX. Junii denique rursus quatuor chinini sulphurici grana applicui, atque eodem modo locum deligavi. Dolor et inflammatio minor erat, quam antea; atque febris plane cessit. Ad morbi

reliquias debellandas remedia quaedam ad-huc praebui apta.

Observatio quinta.

Juliana Soer, serva, constitutionis sensibilis, temperamenti sanguinei, atque annos nata viginti octo, altera hebdomade febri infestabatur intermittente tertiana. A me quum succurri sibi vellet, quatuor chinini muriatici grana scrobiculo cordis imposui. Statim dolores exorti sunt graves, pungentes atque secantes, qui, ut supra descriptissimus, late manarunt. Inflammatio partis laesae tanta fuit, ut die sequente totum fere remedium, a vasis absorbentibus nimis incitatis non receptum, in crustam abierit. Febris tempore solito rediit, ac cessit demum, quum sumere cort. chiae jussa esset aegrota.

Observatio sexta.

Christiana Schmitt, piscatoris ejusdem uxoris, constitutionis sensibilis, atque annos nata triginta, simili modo affecta erat, ac Juliana Soer. Epidermide emplastro remota, scrobiculo cordis tria tantum chinini muriatici grana imposui. Dolor atque inflammatio paullo leviores erant atque re-

medium absorbebatur, quo facto febris plane cessavit.

Observatio septima.

Sophia Rostnik, quaestum ex lotura faciens, non nupta, annos nata undeviginti, atque temperamenti phlegmatici tempus aliquod febre intermittente laboraverat tertiana, quae ex die tertio in tertianam duplum mutata fuerat. Paroxysmi quotidie revertabantur, alternis autem diebus et tempore accessionis et perduratione inter se congruebant. Malo gastrico, quod simul adfuit, exterminato, humero dextro, ratione solita, tria imposui chinini muriatici grana, atque linteo, quod oleo tinctum erat, contexi. Dolores inde orti, quod e querculis aegrotae conjici poterat, multo leniores erant, quam quibus supra memorata Christina Schmitt vexata fuerat. Febris plane cessit.

Observatio octava.

Ludovicus Morgen, scrinarii administrator, annos natus viginti unum, constitutionis robustae et temperamenti sanguinei, tertiam hebdomadē febri tenebatur intermittente tertiana. Die XXIII. Junii, finito

paroxysmo, ut saepe jam memoravimus, humero vesicatorium, ac vesperi tria chinini sulphurici grana imposita sunt. Die XXIV. Junii, quo febre vacabat aegrotus, partem laesam inspexi, atque, quum non plane absorptum medicamentum videretur, unum praeterea addidi chinini granum. Utroque die dolores non magni erant. Vinturam ex linteo, quod oleo imbueram, statim post impositum remedium, fecimus. Febris die XXV. Junii non rediit, atque in posterum cessit.

Observatio nona.

Eduardus Henkelius quum in simili casu esset, surae sinistrae quatuor imposui chinini sulphurici grana. Dolores quidem vehementiores eum vexarunt, sed remedium absorptum, ac febris fugata est.

Observatio decima.

Henricus Warter, sartoris cujusdam puer, habitus gracilis et infirmi, ex die quarto decimo in febrim intermittente terrianam incurrerat. Quum adhibendo remedium nihil obstaret, die XXVIII. Junii tria chinini muriatici grana gingivis et internae generum superficie inficui. Febris, cuius

ad hoc tempus typus fuerat anticipans, die XXX. Junii denuo supervenit, attamen non anticipavit. Diei hujus vespera eandem dosin eodem modo adhibui. Dolores ex remedio cuti epidermide destitutae imposito satis graves quidem erant, sed aegrotus, quamvis facillime commoveretur, eos nequaquam aegrius tulit, quam plures alii, quibus auxilium tuleram. Die II. Julii febris nihilominus rediit, sed serius et brevius tempus durans. Ne novos dolores aegroto afferrem, in proxima apyrexia grana chinini sulphurici quatuor sumenda ei dedi, quo facto febris plane evanait,

En! quae ex his observationibus asse-
qui possimus:

1. Chininum, methodo endermatica
adhibitum, celerius in humorum massam
recipitur, atque celeriore habet effectum,
quam deglutitum. Iuxta Lemberti Cl.
observationem (23) jam post decem horae
sexagesimas vim suam exhibet. Si igitur,
tempore urgente, ad epidermidem detrahen-

23) Vid. Heckeri litt. Annal. an. 1827, mens. Septemb., p. 69.

dam, loco emplastri vesicatorii, cujus tardus est effectus, aqua fervida vel simili aliquo uti placebit, febrim duodecim horae sexagesimis fortasse tollemus. In febribus malignis, ubi paroxysmus instans vitae periculum affert, haec methodus imprimis commendanda erit, atque ut tutor a periculo sit aegrotus, si cetera non obstant, idem medicamen sumi simul juberi poterit.

2. Hac methodo medicus febris paroxysmos multo minore chinini dosi, quam si id deglutiendum praebet, oppugnare poterit. Nam chinini sulphurici quatuor vel quinque, muriatici tria vel quatuor grana plerumque huic consilio sufficient, (vid. observv. I., IV. et VI.). In pauperum igitur curatione atque in magnis valetudinariis, ubi impensarum maxime habenda est ratio, methodus haec aptissima erit.

3. Martini junioris sententia, hanc methodum, quando aegrotus, febri saepius redeunte, debilitatus, atque chinini consumti effectus irritus fuerit, praeципue adhibendam esse, mearum quoque observationum prima et quarta comprobatur.

4. Consilium autem ejusdem (24) ad vitandos dolores graves, chininum ante cerato commiscere, quum eodem absorptio celerior impediatur, omnino non probamus.

24) Vid. Heckeri list. Annal., an. 1827. mens. Nov. p. 363.

Dolores enim, consumto ab aegroto medicamento, melius evitantur. Si vero primarum viarum ratio, vel aliud vitium (dysphagia, vel chinini sumendi fastidium) applicationem endermaticam praeferre nos commovent, sensibilitas contra magna vel totius corporis vel cutis praecipue usum externum dissquadet; tum vim remedii irritantem, adjectis potius mucilaginosis, quae resorptioni minus resistunt, mitigare conarer.

5. Ubi aegroti sensibilitas aucta apparet, ideoque reactio loci, cui applicari debet remedium, inflammatoria vehemens timenda est, secundum observv. IV., VII. et VIII., ut cuti, statim post inspersum chininum, linteum, quod oleo tinctum sit, vel simile aliquid imponatur, curandum est. Quod remedium dolores tantopere quidem non lenit, quantopere chinini cum cerato mixtio, a Martino proposita, sed absorptionem celeriter nequaquam impedit.

6. Imprimis apta haec methodus est, si ventriculus tantam habet sensibilitatem, ut ne remedia quidem blandissima perferat, sed brevi rejiciat. Quae sensibilitas si inflammatione quadam nititur ventriculi, chininum assuntum, quod, succo gastrico commixtum, stimulo privari videtur, fortasse quidem non nocebit, sed tunc temporis imprimis, quando inflammatio illa ex febri orta est, utile erit. Ubi vero nexus hujusmodi inter febrim et inflammationem causalis non adest, illa quidem, sed non

haec, sumto chinino tolletur; methodo autem endermatica, ut et febris et inflammatio simul depellatur, assequemur.

7. In habitu leucophlegmatico atque omnino in morbis systematis lymphatici (vid. observ. II.) haec methodus vix idonea videtur, quia sistema cutaneum tunc maxime vulnerabile esse solet. Nam si habitus ille adest, chininum impositum exultebat, si vero sistema cutaneum facile vulneratur, remedium nequaquam absorberi poterit, (vid. observ. V.).

8. De methodo endermatica febribus intermittentibus puerorum adhibenda, fere in utramque partem disputari potest. Proprium puerorum chinini et chiae fastidium, pertinacia, qua paene omnia respuunt, vel jam consumta evomunt, denique etiam molestiae, quae non raro, assumto chinino oriuntur, methodum hanc commendare vindentur; attamen sistema cutaneum maxime sensibile ac vulneratu facillimum, quo, vel leviter stimulato, spasmos creari videmus non raro vehementissimos et periculosissimos, ab hac euratione abstinere nos commovebit. Ubi igitur pueris chiae cort. et chininum propinari nequit, cätoplasmata et clysteres ex chiae, ut suadet Hufelandus (25),

(25) In opere Ueber die Inoculation, desgleichen über einige Kinderkrankheiten. Lipsiae 1792.
p. 200.

adhibebimus, neque refugiemus ad methodum endermaticam, nisi urgente necessitate.

9. Si febribus intermittentibus dysphagia varii generis, nominatim e fauci inflammatione oriunda, quae sumto chinino angeretur, sese adjungit, methodus endermatica statim in auxilium vocari poterit.

10. Quod dolores, ex hac methodo nascentes, attinet, humerus (vide observv. III., VII. et VIII.) imponendo remedio appetitor est quam sura (vide observv. III., et IX.) et scrobiculus cordis (vid. observv. II., IV. et V.); quod vero attinet remediorum delectum, ad evitandos dolores, chininum sulphuricum muriatico praetulerim: quum secundum observv. II., V. et VI., chininum muriaticum majorem excitet inflammationem, quam dosis chinini sulphurici aequalis, quamquam (vid. observv. VI. et VII.) chininum muriaticum, minore dosi impositum, efficacia non cedere vidimus chinino sulphurico, ita ut tria fere chinini muriatici grana eundem haberent effectum, ac grana quatuor chinini sulphurici, id quod jam Neumannus de interno horum remediorum usu animadvertis.

11. Chinino internae genarum superficie et gingivae infricato (vid. observ. X.), remedii absorptionem, ob epithelium, oris cavitatem tegens, difficiliorem esse puto, quam si cuti, epidernide nudatae, imponatur.

12. Ex observatione quarta, majorem

dosin unam pluribus, iisque minoribus,
praferendam esse, concludere licet.

Postremo id notamus, methodo ender-
maticae duplē fortasse dignitatem tribu-
endam esse, 1) si febris intermittentibus
sese consociarint mala hepatis et lienis
chronica. Dum enim pro usu interno praeben-
tentur resolventia aliaque medicamina apta,
chininum parti, quae organo affecto proxima
est, imponi poterit; 2) absorpto medi-
camento, ad inflammationē organi chrono-
nicam, si qua orta sit, derivandam, appli-
candis medicamentis irritantibus locus aptus
concedetur.

THESES.

- I. Lien corporis animalis pars essen-
tialis non est.
- II. Remediorum novorum usus ne-
cessarius est.
- III. Depressio et reclinatio cataractae
nihil aliud est, nisi una eadem-
que lentis dislocatio.
- IV. Extractio cataractae saepe dislo-
cationi lentis postponenda.

V. Machina Hagedornii fracturis extremitatum inferiorum sanandis aptissima est.

VI. Telangiectasia et fungus haematoches toto coelo inter se differunt.
